

咸豐丙辰六年中旬十二日三哥手賜并聽松樓續稿  
采真子衡論卷一冊十四日燈下善賂手識




05217



蓮溪  
吟藁

始言堂藏版



咸豐甲寅  
癸亥日開雕



序

蓮溪旣梓行其大父又希先生詩集乃刪定所自爲古今體詩存八卷屬余序之余童時於叔祖觀察公壁間見與又希先生合畫行看子叔祖爲言先生老於場屋境極困而胸次悠然無感慨不平之語所爲詩承古音之家學以高淡爲宗及與會稽童二樹訂交講論益深所造益清曠余心誌之數十年乃今得讀先生之全集而益以知蓮溪詩學之自來也蓮溪少工四書文旣登高第歟歷中外三十年名益重詩則以餘力爲之時出

蓮溪吟稟 序

一篇輒壓曹偶蓋自其少時熟聞又希先生講論詩家之派別而母夫人機杼之旁一鐙課讀亦時及漢魏以來名篇巨製俾晨夕諷誦所濡染者深矣又其所著懷小編博覽經籍實事求是其辨證精密與唐宋雜考之書足以抗行故不必專力於詩植根旣深枝葉自茂昔人謂工夫在詩外者於蓮溪益信余總角之交大半零落執友金岱峰遠隔千里逾時乃得通一書幸與蓮溪晚歲合并不異少壯爰仿先世舊事爲南郭聯吟圖以寄意然蓮溪之詩清新俊逸日出不窮而余才思久窒


蓮溪有作不能屬和者屢矣何以序蓮溪之詩抑四十年前我兩人同居南郭金陀坊中暇則各出所作抉摘利病相戒勿爲浮諛之詞雖老不改也乃道蓮溪家學之本原及其得力之所在以告讀蓮溪之詩者且質之岱峰當亦同余斯言也咸豐四年長至後十五日甘泉鄉人錢泰吉序於北郭之碧漪坊

蓮溪吟藁序



蓮溪吟藁卷一目錄

古劍 辛未



古鏡

泛南湖

羅浮蝴蝶四首和丁小鶴先生

子復韻

桐葉題詩圖 壬申

涉趣園雜咏四首為青溪楊雨蒼 荃作

釣磯魚躍

涵鏡荷風

蓮溪吟藁 卷一目錄一

橋窺月影

筠廊挹翠

錢香樹太傅直廬問寢圖二首警石茂才 泰吉屬

題 癸酉

催妝

題友人策杖尋山圖

閏二月初一日大雪 甲戌

擬陳思王美女篇

吳越王鐵券歌

古劍

古琴

古硯

壽夏守白茂才

儼

六十四首

乙亥

博浪沙

丙子

咏史

司馬相如

采蓮曲二首

秋賦寓昭慶禪寺

蓮溪吟藁

卷一目錄

二

送弟

洛

計偕入都三首

丁丑

題友人伏虎小影

游東塔寺觀骨鉢

戊寅

不倒翁二首戲和張八翼堂

衍緒

原韻

己卯

自歎

壽家夢蘆茂才

陳夏

四十

庚辰

哭二姊五首

五人墓

辛巳

游硤石東山道院



三十初度

秋闈報罷金岱峰孝廉 衍宗 自徐州賦七律寄慰

次韻奉酬

書悶

鵲巢 壬午

送友人之楚南 癸未

蓮溪吟稿

卷一 目錄

三

送友人入楚南

鵲巢

書悶

次韻奉酬

秋闈報罷金岱峰孝廉 衍宗 自徐州賦七律寄慰

三十初度

蓮溪吟藁卷一

秀水 沈濂 景周

古劍

辛未

君不見練影一揮城上樓壯士百萬俱白頭又不見俠  
客瞋目夜孤坐觸髓如斗空中墮電光灼灼星沈沈殺  
不義人無古今伊昔昆吾鍛鍊成西江老蛟泣有聲霹  
靂下鬪風雨訇雷公斂手不敢爭英靈血面上訴天帝  
命金精淪重泉土花碧蘚年復年龍身一躍仍人閒沈  
沙剝盡芙蓉色殺氣猶然慘昏黑陟覺陰風匣中出使  
我毛髮爲慄慄劍乎劍乎張華雷煥代有人干將莫邪  
屈可伸慎勿變化歸延津

古鏡

妖蟊蝕月月驚落落我陵雲之高閣琉璃削平水銀撲  
冷光四溢不可捉體孕五精包陰陽當年手造軒轅皇  
出沒塵世幾千載春宮歌舞秋墳荒玳匣喪成鬪綺縵  
金鐙伴夜淒涼足粉痕褪盡上苔痕篆銘繡澀肌蛀綠  
摩挲古鑑心爲哀洗以鉛水盈一杯不覺芙蓉朵朵生  
瑤臺紫珍之神披雲來披雲來電光吐老猿談道顏忽



沮靈狸酣酒歌聲苦乃知灼魅真奇珍寫翠傳紅小用  
汝何況蛟龍抱背欲飛舞能攝水精致靈雨

泛南湖

數鷗蘆荻外一塔風雨中水波浩無際扁舟去濛濛

羅浮蝴蝶四首和丁小鶴先生

子復韻

萬里攜歸趁短篷蛾眉出繭傍簾櫳神光只合棲瑤碧  
仙質無端落輓紅界入鶯花狂亦好身非鶴草媚難工  
內人斜畔尋常見凡種由來未許同

壞色羅袞漫共論十分金粉膩香痕擬從句漏尋遺蛻

蓮溪吟藁

卷一

二

莫訝青陵乍返魂蝙蝠賦形卑菜子鳳凰生小戀桐孫  
畫圖儻倩滕王補添寫梅花夢裏村

空說家山次閭蓬一生已活綺羅叢荔枝種好憐鄉味  
柳絮身溫亂晚風作隊更難尋彩伴抱香依舊住花宮  
不應也當灰蛾看愁絕霜紈小撲中

紫斑紺縷暈模糊故故低飛繞碧蕪翠羽幽情曾結伴  
玉腰狂態任呼奴共憐異彩人閒少曾悟游仙好夢無  
會見麻姑招汝去洞天第七足嬉娛

桐葉題詩圖

壬申

綠陰如水浸簾櫳鎮日垂簾畫閣中金線工夫偷檻北  
銀牀風景指牆東牆東一葉飛秋影偷換流年暗中省  
箏柱無聲小院清鞦韆羅微步空階冷欲行不行愁思縈  
欲語不語若爲情身輕么鳳隨風轉曲咽哀蟬帶露清  
沈吟剪取桐圭翠行行點筆書紅淚靜裏懷人宛轉詞  
空中傳恨相思字相思焉得兩相知無賴西風作意吹  
銜去紅巾青鳥杳拋殘斑管黛螺低銀瓶落井知何處  
石闕銜碑不自持不分蘇姑圓好夢已教于迪拾新詩  
新詩自落檀奴手消息深聞知也否懷裏三年露盥薇

蓮溪吟藁

卷一

三

暗中一綫絲穿藕錦字無心逗好音玉臺有分成仙偶  
常聞待闕補鴛鴦喜揀新枝作鳳凰柳絮何曾誇謝女  
桃花原未識劉郎題紅往事誰重說拾翠風情故自忘  
蝴蝶都迷春夢裏鸚哥無語曲闌旁曲闌十二迴紋疊  
新詩一一紅牋貼軟語常依朱鳥窗閒情偶啟青鸞篋  
篋中瞥見渺凝思認得蠶眠欲問遲爪印分明畱粉指  
墨香依約帶脣脂吹簫弄玉今千古總髮羅敷彼一時  
共說三生盟月老也應雙拜謝風姨傳來好事香奩徧  
寫生好手開東絹貌出空庭擗管人嫉光眇視東風面



依稀索句斂眉峰  
髮髯揮毫鳴玉釧  
往日靈犀一點通  
終教隱霧見芙蓉  
桐花結實添梧子  
莫再尊前唱懊儂

涉趣園雜咏四首爲青溪楊雨蒼荜作

釣磯魚躍

游泳苔磯下  
悠然天趣俱  
不知盈丈外  
何地是江湖

涵鏡荷風

荷蓋拗碧筒  
荷衣盪鏡裏  
不如障荷風  
四面紅亭子

橋窺月影

仰視璧月皎  
俯窺寒潭深  
波光盪片影  
幽人澄寸心

蓮溪吟藁

卷一

四

筠廊挹翠

一碧不成徑  
層陰繞廊隅  
客來多看竹  
須問主人無

錢香樹太傅直廬問寢圖二首警石茂才泰吉屬

題 癸酉

入直承明荷寵光  
鏘然珮玉肅鵷行  
天邊捧日分餘耀  
畱與春暉報北堂

生兒今已到公卿  
娛老非關八座榮  
一語慈闈應色喜

連朝封事福蒼生太傅時官通政司

催妝

神仙豈惜韞羅塵簫鼓頻催又幾巡一寸明珠光不夜  
十重步障暖長春好傳鸚鵡籠中語爲報鴛鴦社裏人  
他日妝臺詩弟子未勞低首拜香茵

題友人策杖尋山圖

櫻鞵桐帽出風塵一晌尋幽過水濱結伴更無藜杖好  
畫圖最是遠峰眞雲爭歸路常先客樹倚荒崖獨傲人  
貪看四山空靄合不知濃翠到吟身

閏二月初一日大雪

甲戌

閏二月朔春事半杏花落盡開桃花朔風一夜氣凜冽

蓮溪吟藁

卷一

五

捲幔漠漠堆銀沙硯冰久釋凍復纈敝裘已典酒難賒  
紛紛粉蝶結隊舞故故白燕雙飛斜兒童踊躍赴庭院  
說所未見爭喧譁已離寒臘六十日怪底密響敲窗紗  
陽舒陰慘和玉燭今此母乃干以邪裁裁達官坐調燮  
何事儒生爲嘆嗟不嫌倚柱嘯黍室麥苗盡損悲田家  
彤雲向晚佈益密安得力士翻日車

擬陳思王美女篇

美女絕世姿長年守空幃意態極窈窕舉動有光儀丹  
脣朗朱的膚色耀凝脂明珠綴作珥金釵光威蕤琅玕



閒雜珮珊珊行步遲容華旣殊絕應爲當世知不見東  
家女垂手甚嬌癡玉帛朝以至暮駕班駝馳何心處幽  
獨默默空爾爲芳草易銷歇母及鶉鳩悲亦知歲月逝  
顏色日以衰靈修悵未覲媒氏巧安施導言或不固徒  
爲後世嗤幽蘭秀空谷芳香慎所貽

吳越王鐵券歌

議功議貴古所傳將十世宥矜名賢銘鐘刻鼎亦無數  
過眼倏忽飄雲煙忠誠之至貫金石一尺五寸畱貞堅  
不見乾甯舊鐵券世守猶屬錢塘錢錢王崛起本屠販

蓮溪吟藁

卷一

六

茅池眞龍來蜿蜒是時妖鳥虐鏡水上生日母太顛  
維王奮挺撻羣醜萬馬喋血牙城邊帝曰全師盪羣寇  
咨爾鎮海勳業專免卿九死子三死鏤鐵作版黃金填  
傷慈傷愛臣志惕必恕必容王度寬江東一表照千古  
字字懇至披心肝或云錢王號忠順後亦規守媿安便  
官家倚王作晉鄭王乃自比吳孫權九州之鐵鑄一錯  
顧視舊券應羞顏吹毛索瘢議風起知人論世殊未然  
十國烽煙久騰沸蟻蜂屯聚各一天汴河流水勢日急  
朱五經子眞凶頑一十三州螳臂耳用此不足匡中原

徒捐赤子飼餓虎未必凍雀蘇紇干乃心豈敢背王室  
姑屈此膝生元元保障半壁勳絕大忠悃不諒翻見冤  
安知河山舊盟誓實與肺腑同銘鐫嗚呼衣錦軍營握  
髮殿一半犁作西湖田江頭鐵箭亦鏽澀山顛石鏡光  
不鮮遺民愛讀表忠碣土花剝蝕苔痕穿撫摩難釋一  
方鐵斯人斯券千秋完

古劍

高堂燈影失星斗忽縱橫座上氣先禁匣中鏗有聲泥  
沙埋汝久風雨向人鳴縱使鋒銜斂還能治不平

蓮溪吟藁

卷一

七

古琴

舊入鍾期聽囊中三尺琴爲君傳絕調異代得知音澹  
與物情遠靜隨天趣深古人不可見猶見古人心

古硯

眞手何曾壞終輸爾硯堅荒臺收斷瓦舊塔截遺磚製  
式拙彌古畱銘讀未全昔人賸餘力應待我磨穿

壽夏守白茂才

儼

六十四首

乙亥

快倒春風雙玉瓶試聽小海唱冥冥浮生轉眼易頭白  
箸作等身畱汗青早受才名供跌宕晚嗟儕輩半凋零



空齋一老峻嶒甚猶手殘編自掩局

五湖三畝狎浮鷗風格何曾世味投裴令高談清似瑟  
宛邱學舍小于舟山川金石搜奇字秦漢文章駭俗流  
最是交游傾海內獨貪畸士話窮愁

束髮登車萬里行竭來歌嘯傲公卿青山弔古歸詩料  
白社論文見老成十上縱窮蘇季策千金難附子雲名  
清琅彈徹知音少自訂風騷理正聲

吟編字字刻琅玕漫說千秋手定難老去猶填新樂府  
少年驚見古衣冠琴經硯譜隨時檢茗盃香鑪夾座安

蓮溪吟藁

卷一

八

消受壺中間歲月可知天意護詩壇

博浪沙

丙子

魁奇倣怪之力士畱侯所求滄海使神椎一擊博浪沙  
胡爲不中中副車扶蘇猶在側趙高未得前當時借使  
祖龍死安知秦祚不再延天公蓄意厚秦毒決使虎狼  
宗社覆報韓之事無成功秦之不幸天下福輶涼車西  
風起鮑魚臭聞數里賜書詐下太子死嬴政死法定如  
此君不見匕首中柱血不濡亦非荆卿劍術疏

咏史

秦人吞六國席卷意縱橫猶與談封建諸儒定可坑

司馬相如

縹緲陵雲氣相如賦筆超當時無狗監何以慰題橋

采蓮曲二首

消夏明湖嚼雪寒玲瓏切玉滿冰盤一從吉語呼成偶  
欲斷秋絲可是難

細拋蓮子打鴛鴦愁殺清溪窈窕孃不耐心頭滋味苦  
何如從早是空房

秋賦寓昭慶禪寺

蓮溪吟臺

卷一

九

負篋擔囊佛地容漫疑蹤跡虎溪逢書聲欲下聽經鳥  
硯水能資渴雨龍可有僧房煨夜芋何曾客夢醒晨鐘  
紗籠袖拂隨緣好壞壁畱題墨瀋濃

送弟

洛

計偕入都三首

丁丑

讀書能樹立原不賴科名但以家貧累友爲祿養行慈  
闡忘寢食

帝里盼恩榮努力從時好文章動上卿

髫齡侍大父酒後一言悲自感生平遇因呼小子知沈  
淪吾已極科第汝甯遲不負先人意成名急爾期



日下通才萃時時益所聞歡場休賭飲客坐慎談文名  
刺投空簡音書寄欲勤遙憐陟屺日矯首望南雲

題友人伏虎小影

人生莫學裴將軍道逢真虎亡精魂亦須恥學晉馮婦  
下車仗臂空紛紜東坡頌佛喜伏猛十三尊者顏色溫  
問君何無恐怖心本來視虎如孤豚問虎何無橫噬意  
虎亦坦坦忘其身機心盡息異類狎道力既厚凶頑馴  
嗟我書生寡膽略處事動以騎虎論聞談變色每貽笑  
作畫不成空自勤持頭何暇法上士履尾不忘師聖人  
嗚呼世上衣冠可牙爪盜蹠張目誰敢瞋安能從君受  
神術坐使帖耳來逡巡

游東塔寺觀骨鉢

戊寅

浮屠氏法入中國人性仁愛成慘夷逃棄君親斷嗣續  
毀剔鬚髮殘膚肌其流險怪靡不作乃狎凶穢矜神奇  
有僧自云三百歲容貌枯腊語啞伊剖人顱骨持作鉢  
滑澤有似尊罍彝頭爲飲器讐智伯髀作琵琶殘妾姬  
鬻體何辜被楚毒猶謂象教能慈悲前朝達官撫邊徼  
既見不能以法治崇信誕妄厚致禮僧以此鉢相贈遺

如何建鉞一州牧，願乃受給如嬰兒。心疑神物不敢褻，  
用捨蘭若伸禱祈。寺中閹黎再拜受，如被九錫膺元龜。  
此曹好誕固其習，一氣舖餽糟與醕。重重緘襲作鎮寶，  
越二百載勤護持。就觀往往駭世俗，頌之不暇矧敢訾。  
盛朝仁恩澤枯骨，蜡氏揜骼埋殘趾。庶政清明幻怪絕，  
楚人無鬼越無禩。羚羊碎石可立辨，舍利起塔終無時。  
不焚不瘞置諸篋，嗟爾僧眾安所希。

不倒翁二首戲和張八翼堂

衍緒

原韻

己卯

不識逢迎世態工，漢家強項令差同。隨人顛倒嗤儕輩，

蓮溪吟藁

卷一

七

盡力推排奈此翁，俯仰分甘身僕僕。攀援自喜手空空，  
邯鄲伎倆依然在。九九何須唱郭公。

兒童多事苦相牽，游戲還從老去顛。頤隱臍中奇骨相，  
首居身半古神仙。但憑淨土能安腳，未礙洪崖屢拍肩。  
傳語飄流桃梗輩，汝曹不值一文錢。

自歎

已病清狂又病癡，秋風吹冷古鬚眉。出門揖客別無語，  
擁被不眠多得詩。一醉便能游物外，有書曾未負貧時。  
空山幸自畱芳草，何處天涯贈所知。



壽家夢蘆茂才 陳夏四十庚辰

我初識君時同適潁川館君年未三十文瀾恣浩瀚我  
年甫十七學語弄柔翰粹然讀君文氣懾背流汗既驚  
復內喜乃得共几案倚麻蓬自直染藍色必換時時竊  
有作君輒顧而讚當時盛文會羣才吐璀璨君既掖我前  
纛奮爲一軍冠我少不自量臨敵恥奔竄君旣掖我前  
我亦惟子憚左鞭右囊鏗驂斬爭月旦謂當遂排風直  
上莫予難焉知十二年至今足猶絆同學二子翔翔  
雲路半寂寞我與君抑鬱相對歎屈伸夫何常此理思  
之爛趨時強學步履迹紛錯亂彼人非規行幸乃登于  
岸尤而又效之顛躓欲誰惋學古不程效如木厚根幹  
根深葉自茂久久參霄漢卽無一日華頗足四時貫此  
意君夙知鄙言何足贊與君共寒素抗顏師里閉區區  
脩脯入用給終歲祭命趣過遺俗直恐生徒畔坐此一  
念故志氣易頽玩鼠難遣驥執鵠不用珠彈俯仰順時  
俗琴材而自爨歲月來滔滔一擲忽難算願言各努力  
造道及未晏

哭二姊五首

別經六七載路隔三千里病不得存問斂不憑棺視猝  
然聞訃音天乎奪吾姊欲行不能趨欲立不得起以頭  
自搶地罪責曷有已昔歲姊召汝汝行奈何止一面永  
無期今日悔遲矣

姊婿宦荆楚迢迢隔江漢扁舟迎姊去別淚肝腸斷送  
姊于北關杉青古闌畔天風急颼颼湖水流漫漫水流  
無時還風帆不可絆相顧各旁皇惻惻但悲歎姊言弟  
可歸會當有離散送雖遠何益再三促登岸儻知是死  
別千里吾何憚

蓮溪吟藁

卷一

十三

母昔命寄書書中別無語語姊體素弱藥物貴勤咀事  
煩母太勞兒驕母過怒減衣與增衣一一視寒暑嗟嗟  
慈母心字字吐肺腑姊何弗念此而終罹疾苦脩短命  
之天悠悠孰自主

今春三月杪長甥歸應試應試畱吾家瑣細論家事云  
叔自蜀來甚憐四弟稚乞以爲己兒提攜到閩地孀雖  
強割愛思之終不置因之痛櫻心容顏日以頽我乍聞  
斯言怛怛心已悸猶謂漸當安安知終不治

嗚呼姊長逝有弟天涯各凡姊所欲言一一爲姊度遠



念白髮母憐女掌珠若女今永辭母累母胸作惡近視  
諸兒女繞牀皆幼弱阿爺應官去家事終闕略舅家隔  
千里千里難倚著姊言已盡此我淚連珠落姊言未盡  
此我心火焦灼魂來阻江湖悲風忽滿閣

五人墓

辛巳

委鬼披猖冤獄起以弦爲鉤惟所指封疆大吏爭唯唯  
彼五人者何爲爾妄男子奇男子

游破石東山道院

門藏脩竹綠周遮竹外潺湲澗水斜雲冷尙宐妃一鶴

蓮溪吟藁

卷一

十四

雨多長恐蟲羣花登山腳健非行藥倚醉顏紅不鍊砂  
碁局仙凡優劣等洞中布算有時差

三十初度

唾壺擊缺動悲歌牢落無成鬢漸皤便欲名山求事業  
也憐壯歲已蹉跎貧資脩脯爲師早文戀科場近俗多  
坐惜黃金虛牝擲亡羊見兔意如何

秋闈報罷金岱峰孝廉

衍宗

自徐州賦七律寄慰

次韻奉酬

竟坐沈淪有道時自慙胸次太無奇文遭廢棄翻藏拙

腹滿窮愁也療飢寒士九秋嗟失職故人千里道相思  
詩來驛使江南路爭不梅花賸一枝

書悶

籠鳥池魚困可知蠅鑽故紙出無期謬爲放達狂澆酒  
諱說牢愁強改詩逸客釣鼇東海上將軍射虎北平時  
男兒快意當如此愁絕書生筆一枝

鵲巢

壬午

庭中梧桐樹直上百尺枝合畝布廣蔭拂雲挺奇姿去  
冬雙鵲來營巢抵其巖僉云是吉兆相顧皆揚眉奈何

蓮溪吟臺

卷一

五

忽中輟去去不復爲今年鵲再至舊壘增新陴我坐南  
軒下開窗正面之朝見鵲拮据暮見鵲離離鵲前吾語  
汝汝巢良所宜願汝終乃事一心無改移萬物各自適  
去來安可期俗情妄推測人事有盛衰暗鵲來卽喜慮  
鵲去卽悲悲喜寸心擾問鵲鵲不知

送友人之楚南

癸未

有客不樂狂掉頭披髮欲下天南陬天南荒怪足冥搜  
岫嶺山高禹穴幽山有木兮枝相樛白日晦匿鳴鶴鷗  
煙蘿薜荔山鬼愁猩猩攜子嘯其儔虎豹番爪鉅于鉤



猿猿狃狃毛髟髟子行到此將何求洞庭之南秋水秋  
二妃淚痕斑竹修金支翠旗光油油風雨奄忽時來游  
明湖萬頃平不流一月盪珠湖上樓此時解子鷓鴣裘  
金壺美酒玉盤羞美人巧笑迴青眸雁柱斜拂銀箏擗  
紅燭隔座爭藏鬪錦衾繡被碧紗幃嗟子慎勿須臾畱  
蕩魂奪魄玷束脩高冠峩峩古諸侯褒衣大袞鏘鳴璆  
悠悠旆旗驅八騶吹竽鼓瑟彈劍綴玳飾珠履賓從稠  
有裾勿曳刺勿投平生意氣橫九州摧眉折腰豈自由  
人生哀樂非預謀何況行路多煩憂一言爲子借箸籌  
彼都詞藻祕思抽屈原宋玉爲其尤離騷天問語則度  
鏗鏘幽渺文彪彪子盍與之盡綢繆長篇短什交唱酬  
寄我一卷速置郵

蓮溪吟藁

卷一

七

蓮溪吟臺卷二目錄

東侍御姚鏡塘先生 學塿 甲申

師橋畱別二首 丙戌

蘭亭

歸舟有懷葦汀莪園兩叔

題葛素如廣文 星垣 扶杖思鄉圖

西警

東方朔墓 丁亥

宿滕縣

蓮溪吟臺 卷二目錄 一

柳下惠墓

火判二首 戊子

雪後

陳芝楣師 鑿 督運抵通潞門下士咸詣謁師擬繪

潞河話雨圖命題 巳丑

送顧晴芬師 臯 南歸四首 庚寅

明妃曲二首 壬辰

悼亡十六首 癸巳

夜坐



華清池 戊戌

漳臺 庚子

齋中雜咏五首

秋陰

秋夜

咏史二首 辛丑

雜詩二首

與客談文人求古之病漫賦

河水漫溢圍汴城有懷給諫錢衍石先生 儀吉

蓮溪吟藁 卷二目錄二

猩猩 聞南中夷警居  
窟避顛沛可憫

山寺

牽牛花

題錢警石廣文冷齋勘書圖

秋夜

秋陰

齋中雜咏五首

秋夜

華清池

蓮溪吟藁卷二

秀水 沈濂 景周

東侍御姚鏡塘先生 學壞 甲申

風雪長安策蹇驢一官曾未挈妻孥客知亮節饋貽絕  
人笑宦場途轍紆老屋叢書門兩版清燈絮酒媵雙觚  
得隨前輩論風雅文字因緣喜不孤

師橋畱別二首 丙戌

葵怕傷根井欲清百年重敘舊宗盟兒童誤作賓朋看  
父老能言往昔情惇族豈應煩獄訟承家何必賴科名  
最憐一事餘醇古不爲詩書廢力耕

蓮溪吟藁 卷二

一

海味登盤頓頓新園蔬手治雜鹹辛此中飲酒皆無量  
就我論文況有人水引雙湖三閘遠 召白 兩湖 山圍十里一  
家春相於直作桃源想愁拂征鞦踏輓塵

蘭亭

勝地佳辰良宴會高文傳世始無窮昔賢觴詠風流在  
我輩登臨感慨同遺墨難尋唐帖後清談欲坐晉人中  
詩成莫憚重番改怕有蕭樓說未工 宋人謂蘭亭序天  
朗氣清似秋非春

絲竹管弦用字重  
複所以文選不錄



歸舟有懷葦汀菰園兩叔

東晉風流叔不癡一家名士愧方知琴絲靜聽全降酒  
詩卷貪看錯應碁高館何年重此會歸舟連日苦相思  
櫓聲搖曳湘湖月夢落西窗翦燭時

題葛素如廣文

星垣

扶杖思鄉圖

憶自去年匹馬燕市歸歸鞦快逐征鴻飛故園欲住未  
可住彈指一年聊息機金庭崇妙好山色先生一官刻  
溪側回首鄉關咫尺閒扶杖何勞苦相憶長淮浪高沒  
田廬羣公焦思籌河渠玉關以西急轉餉戍埃絡繹催

蓮溪吟藁

卷二

二

軍書廣文先生日高起坐對青山只隱几上階蝴蝶思  
清閒登盤苜蓿味甘美門生問字載酒來平頭六十芳  
筵開膝前驥子森玉立綵衣迭舞傾金疊宦游似此意  
良適猶欲歸田作逋客試將鴛水比丹池翻恨吾鄉無  
片石明年二月春水生我侍安輿將北行披圖覓句一  
惆悵湖樓煙雨若爲情

西警

西域窮荒地當年

武略勤至今懷

膏澤何以致紛紜鬼馬嘶邊月妖禽哭陣雲老謀期必  
勝肯蹶上將軍

東方朔墓

丁亥

歲星星緯繫清虛寂寞孤墳自翳如塵外誰依王母住  
世閒偶共細君居談諧語笑人如在荒誕神仙事有諸  
隻字未曾談海嶠試于乙夜檢遺書

宿滕縣

馳馬郊原落日紅滕君遺廟肅靈風褐衣且喜同游士  
敝屨何妨宿上宮三代井田誰復古七王戰鬪枉稱雄  
可憐五十封疆小孤負名賢指畫功

蓮溪吟藁

卷二

三

柳下惠墓

治行何工拙斯人亦首陽殘碑題舊諡壟土重生王百  
世和風遠三公介節光卑官存直道屢黜定無妨

火判二首

戊子

曼衍魚龍數偃師泥神吐火益詭奇儘于熱惱場中住  
莫忘光明藏裏時炭女參差隨絳節燭奴儵忽導朱旗  
一官肯信吾曹冷與說冰心總不知

一劍騰芒爛未收五花欲判筆還抽沖霄儘吐如虹氣



處世渾忘厝火憂幾輩餘温思炙手此時上客重焦頭  
小家不少逃亡屋願乞迴光照四周

雪後

不向東家借蹇驢閉門風雪滿髭鬚窗櫺虛白尋書味  
爐火通紅會酒徒已卜遺蝗來歲少尙憐凍雀幾時蘇  
大裘展覆平生意白傅經綸定有無

陳芝楣師

鑿

督運抵通潞門下士咸詣謁師擬繪

潞河話雨圖命題

己丑

城頭高閣何耽耽魁三極北星象參城樓下瞰潞河水

蓮溪吟臺

卷二

四

卓哉槎使來天南蓬萊文章舊仙骨門下多士方盍簪  
都門相望不百里越宿冒雨隨征驂八年知遇幾年別  
一笑置酒登樓談遠山厯厯浮晴嵐遠樹如髮森鬢鬚  
天容乍霽絕塵垢凍雨灑面猶雨三詩情清發倚半酣  
揮毫灑灑葉食蠶詩成題畫未有畫待聘妙手圖雲藍  
圖名話雨話舊雨師門厚誼情醴醴東南財賦甲天下  
四郡公領美可弇轉輸利濟見碩畫闔澤自與羣生涵  
門生私喜絳帳邇但道化雨因時甘豈徒轉饒邁晉國  
格天事業公能擔會作商霖徧瀛海尺荻寸卉彌不含

沙隄一道迎使節潞河官柳垂旒旒

送顧晴芬師

阜

南歸四首

庚寅

司農清望近無倫不負金鰲第一人朝事久資匡濟力  
聖恩許乞退閒身

賜書滿壓歸舟穩

天語溫垂

采殿親此日東門圖舊傳渭濱回首細傳神

風度翛然澹自持從容諷議佐明時退朝誰識金貂貴  
娛老常將卷軸隨舊篋詩文編次第晴窗卷素寫淋漓

蓮溪吟藁

卷二

五

東山總繫蒼生望閉戶栽松歲月遲

一編永叔著歸田青鬢還鄉思渺然此去水雲娛暇日  
幾回哀樂感中年掄材舊荷空羣賞談藝曾隨大雅筵  
待向師門重問字錫山山色惠山泉

岸幘青山倚畫橈潞河歸舸去迢迢非關衰病甘田里  
爲養精神答

聖朝鄭重

詔書期再起經綸密勿佇層霄春來苦筍秋蓴菜莫道  
鄉園逸興饒



明妃曲二首 壬辰

黃沙漲天風怒撲錦袖貂襜瘦明玉宮中昔誦洞簫賦  
馬上今奏琵琶曲琵琶曲成含思悲單于萬里知音誰  
落花辭條鄉國遠佳人難再君王知君王重信不重色  
玉貌三千替不得穹廬若使詔畱行金屋歡娛豈終極  
一傳禍水入後宮燕燕盡啄皇孫空自謀則過君謀忠  
畫工毋乃真國工

三妃九嬪皆內臣貫魚敘進有等倫後庭充溢漫無數  
此事先難聞遠人傳神不賂丹青手獻媚爭憐獨何有

蓮溪吟藁 卷二

六

請行絕域意慨慷何必君王知好醜琵琶彈出聲聲悲  
紫臺一去歸無期惟餘冢草青青色猶似漢家宮裏時  
漢宮巧畫春風面也須能入君王選但恃黃金助顏色  
焉知不落長門殿當年閉置千蛾眉畢竟幾人求畫師  
玉顏出塞悔已遲尚有嬋娟君未知

悼亡十六首 癸巳

困躓十年宦游千里艱難共歷忽忽今日言之  
無文傷心而已

贅壻因貧歷歲三小窗顧我話誦誦檳榔幸不嘲消食

也合同歸共苦甘

老屋城南只數椽危樓欲圯雨風天入門一笑曾亡苦  
匱具新移記五年

母撫孤兒閱苦辛門風寒素我家真盡除容飾成椎髻  
博得慈顏喜不瞋

囊空真欲甑生塵日日艱難數米薪煩典匱釵緣佐讀  
不嫌孺子竟長貧

蘇季窮歸慰藉難百方譬況勸加餐春風喜報泥金帖  
聊一伸眉亦暫歡

蓮溪吟藁

卷二

七

婦翁盼我成名切屈指成名遲十年酒盞飄零舊游冷  
可憐宰木滿蒼煙

暫爾歡娛別貯愁侍姑北上附官艘辭家尙可艱辭母  
未到臨期淚早流

爛漫風光到

帝州紫雲高處鳳城樓最憐五載長安住不遣香車一  
日游

狂歌燕市笑生平不醉無歸累百觥喚婢烹茶深夜俟  
累君枯坐過三更



輓轆車輪匹馬嘶每愁倬直出門遲衣裳顛倒宵分起  
共數清更更有誰

自覺精神漸不支自言未病要求醫參苓催得新丸藥  
尙貯籠中進已遲

病無多日便凝愁死後生前話不休一語傷心雙淚落  
姑恩鄭重幾時酬

預愁凶耗到家鄉阿母年高定斷腸苦欲南歸歸不得  
瀕危猶喚幾聲娘

匳飾箱衣手自安似防散失檢尋難病中一一親收點

蓮溪吟藁

卷二

八

今日淒涼忍取看

常時膽小怯房空寸步猶將婢媼同不道殞移蘭若裏  
一棺無伴臥秋風

天地于人孰可常生生死事難量百年易盡分離暫  
同穴他時正久長

夜坐

爐灰漸冷一燈殘起擁孤衾夜氣寒叫影離鴻風斷續  
上堂鬪鼠月闌干亦知別後魂猶返不道思深夢轉難  
欲慰高堂還自抑背人有淚只偷彈

華清池

戊戌

天寶繁華龍馭移千秋遺議華清池但因寵盛咎女謁  
不論君恩優祿兒范陽兵柄誰與之此事豈亦宮中爲  
邊庭命帥天子意禍機所發椒房隨將軍桓桓苦催逼  
一死報君兼報國六軍此去定無譁重泉別後應相憶  
蟾蜍蝕月天嚴霜樓東珍珠空夜光向來環珮恩易斷  
惟有仙山恨獨長仙山縹緲勞思慕總爲紅顏未衰暮  
十年遲發馬嵬坡千金也買長門賦

漳臺

庚子

蓮溪吟臺

卷二

九

是漢將軍是魏公莽新至竟未奸雄連兵但有孫劉在  
受禪無由舜禹同一代人豪憐北海千秋快事仗東風  
何當灑墨銅臺硯日寫陳琳檄數通

齋中雜詠五首

時主河朔  
書院講席

大道蔽一言陰陽消息爾總總此芸生習焉昧厥旨混  
沌劫前灰昆明池上水世運代治亂人事更泰否玉顏  
嬌少年白髮啼暮齒秋霜乍原野春風又桃李此理本  
循環俄頃一轉徙佛欲長不生仙欲長不死生死不易  
了現在爲可恃



漢于三代近傳經有專師冊書及口授門分派以滋淵源非一家師說守不移性繆亦閒有傳聞存異詞胡爲今之人攷古不闕疑抗論千載下昔賢蒙警誓甚者出新意鑿空尤支離于古未有聞何由君得知

風雅旣絕響騷賦乃雜陳漢魏逮六朝作者代有聞唐賢各挺出陶鑄存精純後來鮮可及鋪糟揚其塵枵然體貌具茶然真意淪砒硃幸似玉玉貴終賤礫東家貌雖醜不羨西子顰豪傑有輩出文章當日新但道己所得無爲追前人

蓮溪吟藁

卷二

十

吾榻室東偏客言非善地仰視騎屋危于法當移置燕巢戊己嚮鵲巢太歲避陰陽不我惑鄭重感客意徒之東北隅位置頗不易顛倒抱衾稠零星移篋笥旣盡半日勤纔可一室治今夕定佳眠前宵亦酣寐一笑此紛紜由來本無事

室中盈丈地蜘蛛網四隅飛蟲翩然來偶觸卽就拘抱持恣啖食旣飽垂腹腴以彼蝟蠖命供汝貪饒軀論罪不可赦呼童急掃除朝除暮還結縱暴仍自如麼舍殺機天地皆畏途同在氣化內相賊不相扶之蟲又何

知所嗟非蜘蛛

秋陰

涼風颭颭樹頭知天際陰雲閣不移蝴蝶怕飛秋雨裏  
雙雙齊上豆花籬

秋夜

滿庭草露溼衣裾風颭流螢乍有無三兩竹竿斜架壁  
白花青葉小葫蘆

咏史二首

辛丑

六國事秦人割地以請和地盡國亦入阿房築嗟峨宋

蓮溪吟藁

卷二

十一

人勤北使金縉歲有益吁嗟兩宮駕無由返沙磧龕暴  
貴神武五材不去兵束手未敢發息爭彌召爭威弧一  
以張雷擊而電轉兵多利用整將多利用選十全計慮  
深一鼓凶頑翦倉卒易行成誰爲越句踐

古人戰用檐發石機欲捷後世易礮火百里血爲喋利  
器何可當所賴眾心協不聞鄱陽湖難星過眉睫易舟  
更進戰強敵終震讐何況勝算操不在險地涉善戰恃  
機謀善謀恃閒謀

雜詩二首



黃雀常栖栖卑居依四壁朝飛去不遠日暮還歸息紛  
紜長兒子飲噉聊自得爲我語黃雀汝居何偏仄曾不  
志千里慙愧傳雙翼黃雀翩然起屏營對以臆造物賦  
形小遠舉無氣力亦知烏有鵬圖南非我職願言終簷  
端簷端信樂國風雲卽無時鷓子不我擊

神仙行處有亦不避塵喧咄哉劉子驥求之未有門遠  
近以地別靜躁由中存藐余視天地肫然猶黃軒禾黍  
熟井井雞犬歡村村室有琴可弦廚有酒可尊淵明儻  
復作何地非桃源

蓮溪吟藁

卷二

十一

與客談文人求古之病漫賦

香山詩格老嫗知自在流出心神怡語一紆百樊宗師  
不遇韓子無光儀圖書祕奧河洛啟盤詰詰屈殷周遺  
文章今古以時限時有遞代文遷移明堂未構且巢窟  
章甫旣冠誰羽皮朝華夕秀各有態童牛角馬空見嗤  
鯁生小儒百不想兔園冊子車中隨孰爲三古孰秦漢  
口呿舌纏情回疑此曹墨墨自一世我學豈與爭雄雌  
以奇矯薄自標揭齊楚得失爭毫釐天地機緘日開闢  
後無所受前無貽孰爲屈宋孰班馬孰爲管晏莊列尸

珊瑚莫難價不訾俗人未愛非珍奇  
字字雪亮無度詞  
沁人肝脾人解頤尚愁世遠讀難曉  
如箝在口雙目眇  
河水漫溢圍汴城有懷給諫錢衍石先生

儀古

河勢長趨古汴州  
州民鱗鱗欲魚頭  
短衣踏浪身如葉  
平地浮家屋似舟  
人事蚤應籌保障  
天心終不禍清流  
卻思一櫂駕湖渚  
煙雨還登渚上樓

猩猩

聞南中夷警居人  
竄避顛沛可憫

猩猩執手夜深語  
山空無人我與汝  
入林葉落颯風雨  
出林月色澹如許  
蒼煙漠漠不可行  
前路燈紅雙虎睛

蓮溪吟藁

卷二

七

踐苔腳滑墜有聲  
接枯藤末懸軀輕  
噴帆極天一片石  
聊可坐處不盈尺  
曉風冷然醒魂魄  
仰視月落天四碧

山寺

山半招提覓淨因  
閉門絕少禱祈人  
猿藏窖酒僧謀醉  
鼠齧龕經佛耐貧  
雲氣入簾濃滿屋  
泉流穿壁遠通鄰  
客來夜臥虛堂靜  
未聽鐘聲已向晨

牽牛花

萬盞高低錯落懸  
一籬清影寄幽偏  
星搖碧暈天如水  
露溼銀光月墮煙  
涼夜更無花與伴  
曉窗其奈客佳眠



別憐廢圃瓠瓜在同入明河織女篇

題錢警石廣文冷齋勘書圖

少陵作詩羨臺省袞袞諸公亦天幸著書歲月有名山  
何必高軒勞簿領昔君年少勇自許五色文章吐彪炳  
驂騑開路蹴踏驕鶻摩空背距猛風雲萬里期不遠  
旗鼓中原會一逞焉知此意竟蹉跎三十年來心耿耿  
今君一官海上城甘對宿盤嘲日影名場暫踏百病侵  
遺編獨抱萬緣屏冷齋勘書繪作圖齋頭無人風日靜  
俟芭之酒旨且多鄴侯之架高益整先生南面擁百城  
手汲千秋引脩綆炯如明月照疏牖紛如落葉掃金井  
萬卷丹黃恣枕藉百家文獻供馳騁熱官雖熱一字無  
何似冷齋終歲冷

蓮溪吟藁卷三目錄

立夏日慶伯蒼比部

霖

招飲白石山莊

壬寅

聞乍浦警寄弟二首

聞賊退寄弟

感事四首

上巳日同人招飲花之寺追感昔游因作

癸卯

春日郊游感舊

男步歐生

甲辰

姚聖常比部

晏

引疾去官

蓮溪吟藁

卷三目錄

一

蔗蛄二首同年杜蕉林儀部

彥士

席閒作

西方祇廟

乙巳

浩歌

披覽

古意

糠燈

出守鎮江金岱峰廣文寄贈七律二首卽和原韻

觀劇

有贈



生公石二首

歌席

春圃三首 丙午

和李石梧中丞 星沅 登金山原韻

上巳 戊申

鶴骨簫

劉烈女詩

蔡諧堂司馬柳溪觀釣圖令子黻庵孝廉 麟書屬

題

蓮溪吟臺 卷三目錄

丹徒天樞廟

除夕寄弟

作郡

與弟飲 巳酉

復與弟飲因憶少時文酒之樂今褚菘塏國錄 長

春 應和 吳和村二尹 應和 吳思亭別駕 脩 浦又垞明

府 日楷 胡仁圃孝廉 祥麟 殂謝久矣感而有作

憶金陀園

追懷蒼石上人

錢味根明府

聚仁

移居

苦雨

病店

江上山

乘涼

蓮溪吟稿

卷二目錄

三

五上山

秋賦

苦雨

錢味根明府



蓮溪吟藁卷三

秀水 沈濂 景周

立夏日慶伯蒼比部

霖

招飲白石山莊

壬寅

春暮尋芳游展健名園畱客綺筵開仰看庭樹前朝古  
遠見溪橋活水來海上風濤轟戰鼓座閒花柳賸深杯  
只除縱飲狂歌好莫問登壇秉鉞才

聞乍浦警寄弟二首

盜起無人問田荒亦有年流亡逃井稅墟舍冷炊煙滿  
眼羽書急驚心烽火然借如寇未至先已苦兵船

蓮溪吟藁

卷三

一

辛苦全軀命休論世業空便應將細小及早出樊籠日  
暮催征馬雲低叫斷鴻得來共晨夕終不厭奇窮

聞賊退寄弟

已分生無路猶蒙賊見憐親朋皆好在圖史亦依然待  
踏看花屐還攤買酒錢虜情終未測倚枕敢高眠

感事四首

慘澹氛祲未盡銷浮沈蛤蟀孰爲招丹書有法懲狂藥  
鐵鏃無功退怒潮一疏非常威斧鉞三年多難罷蕭韶  
當時議事曾參預羞向秦庭說繞朝

海天路隔事微茫忽動歡聲露布忙破敵有如公瑾智  
復讐不受灌夫創遂頒殊錫

君恩重定奏全功士氣揚一樣珠江消息好颶風夜半  
壞餘艍

盡發東南郡縣兵市人誰聽鼓鼙聲金錢重餌先心許  
草木聞風也膽驚突兀樓船圍海甸縱橫礮火逼江城  
臨危喋血憐諸將未肯權詞遇救生

烽車蘭石半銷沈鍾酒雙龍舊約尋所惜鬼雄薶碧血  
未嫌虛牝擲黃金舉棊不勝機難定臥榻酣眠慮正深  
猶有邊庭頗牧在十年教訓要關心

蓮溪吟藁

卷三

二

上巳日同人招飲花之寺追感昔游因作

癸卯

芳郊已過清明雨流鶯相呼燕相語搖鞭日日去官裏  
焉知長安春幾許朋來修禊南城南花之古寺邀停驂  
海棠媚煙開緩緩楊柳帶露垂毵毵昔年呼朋數醉此  
痛飲狂歌樂無比市南空僚興最豪

同年熊子謙  
比部光大

宿草

郊原今已矣人生俯仰成今昔八載鴻泥了無跡落拓  
新游續舊游當時悔不詩畱壁依然轟飲歡忘形主客  
簪履明華星流觴曲水此何有但有感慨如蘭亭莫辭



盡倒雙玉瓶我亦願醉不願醒年年花發春常在霜鬢  
何人能再青

春日郊游感舊

春雲如墨雨如酥雨後溪山渲畫圖游劇馬隨芳草遠  
醉歸人情綠楊扶年年到眼韶華滿暗暗驚心歲月徂  
等是郊原行樂地獨彈清淚過黃壚

男步歐生

甲辰

乍慰商瞿老去心眼中犀角見森森衰齡有子如遷秩  
舊德傳家勝積金仙樹果生遲歲晚醜枝花發及春深

蓮溪吟臺

卷三

三

卅年苦累慈闈望回首松楸淚滿襟

姚聖常比部

晏

引疾去官

車驅車驅歲月徂曰歸曰歸霜滿鬚子美長鏡白木枓  
香山新酒紅泥壚老去閒情良復有舊時笑疾未全無  
著書閉戶樂莫樂冠蓋長安非我徒

蔗帖二首同年杜蕉林儀部

彥士

席間作

生長交竿萬影中珍羞入饌帶炎風食單從此輕糖蟹  
物性何須說蓼蟲老去餘甘尋有味世間內熱救無功  
深崖割盡蜂房蜜果爲誰甜一笑同

南天有此可憐蟲吸盡寒漿蔗境中處世未曾經苦縣  
微名應許號甘公餘酸肯與醯雞似老粹殊難桂蠹同  
博得安州小兒舌舌十分異味詫衰翁

西方祇廟 乙巳

西方祇廟鬱海濱層樓飛閣構造新舉手指天天有主  
遂無宗祖無羣神耶穌紀年逞幻化夷人不跨十字架  
盲者能視聾者聰小術未足矜神通天堂地獄事懺悔  
立說略與浮屠同三代以還紛異學息邪拒諛恃先覺  
佛老流傳害未除怪說角出益可吁憲典煌煌有明禁  
蓮溪吟臺 卷三 四  
孰云短垣還自踰狂藥之禍禍一身狂言之蠱蠱心神  
作詩鄭重告執事毋使妖氛滿天地

浩歌

天下七分是水三分地中原四瀆一栝細羣生芸芸蝨  
其閒已苦洪流無畔際黃河在昔蚤南徙長菱竹榿塞  
未已大江自古稱安流近亦決盪壞數州城門視白白  
出水赤子鱗鱗生魚頭我所慮兮四瀆倏以合此事何  
止一代憂禹功及今幾千載滄海桑田幾遷改當年庚  
辰童律烏木田役使神鬼豈偶然而沉輻輳所過了不



費供億百千萬夫就艱食勢殊事異功難期平當小才  
焉可支念此不置心鬱伊杞人憂天天豈知

披覽

相公披覽燮理餘事出南華非僻書詞臣作賦聲譽滿  
不識周官孤竹管世上誰爲大雅材稿項黃馘埋荒萊  
朝士人人原伯魯鳳凰麒麟安在哉才流于世亦何補  
落落幾人有千古退然被褐懷珠玉沛然山川出霖雨  
古人古人今無聞弄麀伏獵古亦云六經高閣置勿道  
努力俗書逞妍好

蓮溪吟藁

卷三

五

古意

大江之水東南流江上高樓思婦愁良人遠去返無日  
登樓悵悵不自由凝眸極望煙水秋斜陽歷歷明汀洲  
但見客行風帆遠不見客住風帆收長波無盡去悠悠  
盛年如水去不畱龍鸞之鏡鴛鴦稠何時攜上木蘭舟  
東西遠近如萍浮逐郎蹤跡偕郎游徘徊私願難可酬  
卷簾望遠還復休誰憐盛鬢豐容女閉置空樓到白頭

穉燈

銜璧裁瑤飾未央焉知

儉德更煒煌前朝籠舊猶存葛

今代燈傳止用穰儼運經綸同木屑詎勞辛苦截松肪  
炳于爟炬渾無淚熬似旃檀別有香此夕陵虛霏絳雪  
連朝著力壽元霜簸來肯許丹心動狃去翻嫌赤舌狂  
倘結銀花應綻粟若垂金穗總含芒輸錢欲買原和糴  
隱謎能猜是乞糧種出蓮紅真頃刻挑成豆綠笑尋常  
誤看滿月中天皎不厭微風特地揚攜自何人疑杵臼  
樹之得所近車箱但誇炙輶爲輿小可憶燒畬播穀忙  
飯顆山頭高煥彩米脂縣裏暗騰光那須錦段千家襍

蓮溪吟藁

卷三

六

祇擬珠塵十斛量婦憶貧時依鳳杼兒貪深夜抵螢囊  
麥蛾亂撲村廬晚稻蟹爭趨水國涼朱鳥參差聯稷宿  
碧雞倏忽度陳倉要憑炎火祈田祖聽說神農卽燧皇  
政烈本宜除秕莠年飢尤願照逃亡喜瞻瑞靄

升平日玉燭長調歲歲穰

出守鎮江金岱峰廣文寄贈七律二首卽和原韻

哀鴻誰遣滿汀洲城守當年欠老謀刁斗未嚴空壁走  
樓船不鎖大江流瘡痍欲起嗟無術暘雨猶調幸有秋  
更喜諸生絃誦近論文時上米家樓



三絕才名海內知，廿年不見見難期。山川閒阻仍千里，  
詩酒疏狂彼一時。靈運生天爭自喜，子雲後世各無疑。  
晨星零落今餘幾，頭白天涯脈脈思。

觀劇

沈沈良夜此歡場，簧暖笙清舞袖長。銀燭兩行人絕代，  
錦屏四面客中央。俊游憶舊多零落，老聞歌易感愴。  
寂寞何哉知己少，往時天上詠霓裳。

有贈

清尊昨夢墮微茫，難得何哉共一觴。歌舞芳筵頻聚散，

蓮溪吟藁

卷三

七

賓朋良會半存亡，舊人舊事分明在。新酒新詩感慨長，  
莫說長安行樂處，白頭怕憶少年場。

生公石二首

我勸生公早罷休，枉持拂子此來游。一時聽講皆頑石，  
更有何人肯點頭。

千載游人說講臺，談經遺蹟滿蒼苔。當時倘遇能言石，  
也有機鋒送難來。

歌席

綺筵聊復共金卮，豈是微之與牧之。良夜可憐人似玉，

衰年無那鬢如絲  
衣裾香合催詩債  
簫管聲繁雜酒悲  
莫笑驚飛山鳥慣  
未曾遷坐近花枝

春圃三首

丙午

亭檻高低繫絳紗  
川原遠近爛晴霞  
羣芳種種誇顏色  
誰似桑麻不作花

柯條叢雜力全分  
獨立風頭便不羣  
難得春來花倍發  
也緣閒裏剪裁勤

一枝兩枝容阿儺  
千朵萬朵紛綺羅  
要使明年花事好  
不教開到十分多

蓮溪吟藁

卷三

八

和李石梧中丞

星沅

登金山原韻

檠戟載移江上櫂  
金焦同踏嶺頭雲  
僧隨沙鳥偕迎客  
佛與州民並望君  
檻外帆檣催轉漕  
中流鼙鼓說前聞  
何須天塹爭南北  
六代區區笑豆分

上巳

戊申

爲惜春深酒亦深  
雙柑爛漫醉花陰  
闌萍水活魚初上  
鰾柳風多燕不禁  
人與蘭亭同感慨  
地當瓜步足登臨  
幸無海上帆檣至  
慰我懽娛士女心

鶴骨簫



四明女子某氏不得于夫沈淵以死簫其遺物也

我聞鶴壽無紀極三尺長脰誰截得簫材不近鳳凰臺  
但譜離鸞聲惻惻離鸞曲苦不可聞秋風蝴蝶飄羅袞  
未知香骨瘞何所此簫逸響猶陵雲當時什襲藏香篋  
時暖朱脣唱稠疊環佩魂歸華表非畱伴書窗狸骨帖

劉烈女詩

當湖秀才劉東藩女遭夷難赴井死

清鐘應嚴霜聲響彌遠聞旃檀熱烈火薜氣以氤氲乳

蓮溪吟臺

卷三

九

溪劉氏女佩芷襲芳蓀娉婷惜未嫁婉變中閨存壬寅  
夏四月日暝天地昏鬼方鬼跳梁僦僦走游魂封豕噎  
于城長蛇帶其門女知不得活銀牀倚縞袞忽若杵投  
白風清井不渾嗟嗟士君子臨難或惜身誰如弱女子  
大義薄青雲一死炳彤管千秋眠貞珉何須化精衛填  
海慰煩冤

蔡諧堂司馬柳溪觀釣圖令子黻庵孝廉

麟書屬

題

莊惠濠梁樂清話志和簑笠成圖畫試問先生魚有無

釣亦不得不賣三星在雷嗟疲民豈是逍遙物外身  
春光澹沱綠新漲偶然寄意湖之濱老柳參天隨俯仰  
一竿笑傲晴波上想見當年聽鼓時出塵常作江湖想  
吾家駕湖湖水寬楊花撲面春風寒何時掉臂去塵埃  
也向磯頭把釣竿

丹徒天樞廟

祀漢雷侯張良

博浪一椎驚風雲十日大索如不聞世閒豈有滄海君  
橋頭納履相諾唯穀城黃石蹤跡詭世閒豈有赤松子  
定陶楚歌傷懷抱羽翼之成誰所保世閒豈有商山皓

蓮溪吟藁

卷三

十

往事流傳無信史孤祠歲奉雷侯祀升階披帷肅瞻視  
婦人女子貌尙爾古來智士多憂危全生遠禍計蚤爲  
役役富貴彼自癡逃於物外物不疑范蠡扁舟號鴟夷  
鄴侯九仙骨格奇與侯先後同良規蘇秦鬼谷空詭隨  
崔浩妄勸迎天師以之方侯侯必嗤神龍變化莫可窺  
大指不出泥中龜兵家祕計信有之神仙鬼怪吾不知

除夕寄弟

客中歲事太恩恩祇有寒花點綴工竹勁未須愁夜雪  
梅芳全不仗春風歸人累月離懷切令節他鄉老態同



料得團欒銀蠟底屠蘇先醉儘兒童

作郡

作郡三年亦自忙扁舟常繫大江旁勞來送往勤投刺  
測水占風急挽糧長愧卑官無報稱側聞新政有更張  
東南財賦支天下誰繪流民達

九閩

時有東南漕糧  
三分折色之議

與弟飲

己酉

去年十月汝日歸今年二月來何遲江鄉暫別非久別  
已惜歲月如飈馳花閒把袖香拂衣滿園桃李開芳菲

蓮溪吟藁

卷三

十一

登城望江江水闊金焦北固青四圍山川風景正佳日  
骨月情話同兒時開筵列坐泛瑤卮令行百罰百不辭  
一尊相屬不盡醉何似兩地空懷思東風獵獵酒如乳  
愛客滿堂氣如虎興酣日落迭起舞抗懷高論空千古  
亦知放誕駭世俗醉裏狂言豈自主侯王將相分無有  
惟有酣嬉天所許酣嬉唱歎亦可憐白髮相看非少年  
已歌小雅棣華什還誦衛武賓筵篇

復與弟飲因憶少時文酒之樂今褚菘塏國錄

長

春

吳和村二尹

應和

吳思亭別駕

修

浦又垞明

府日楷

胡仁圃孝廉

祥麟

俎謝久矣感而有作

劉伶嗜酒頌酒德此中真意猶未識荷鋪青山隨處藎  
如何不葬陶家側吾曹劇飲自天性少喜酣呼老猶盛  
糟邱麴壘縱酒兵潛虬玉柱喧觴政古人樂酒開芳宴  
無故興嗟幾相見歡娛痛醉極淋漓感慨悲歌多眷戀  
蠟花搖搖夜迢迢此時侑座非管簫長吟擊節珠錯落  
短髮顧影霜飄蕭杯行到手莫停手少壯交游今在否  
墓門橋木半蒼煙當年跌宕同文酒酒酣意氣皆千古  
春夢無痕渺何許眼前有酒不自酌後世誰澆趙州土

憶金陀園

蓮溪吟藁

卷三

十三

范蠡祠旁春草春金陀園偏我家鄰蚤憐第宅移新主  
誰上亭臺弔古人繞檻池荒猶耐早出牆樹老久棲神  
童年游釣茲來孰追憶前塵歷歷真  
追懷蒼石上人

平生方外過從少獨爲蒼公兩屐忙詩格瘦于藤絡石  
碁心尖似筍穿牆何年老病他鄉隔一瞥人天舊夢長  
異日城西橋下路愴懷無復到僧房

錢味根明府

聚仁

移居



吾愛錢郎早解簪如魚歸壑鳥還林香鑪穩送通明宅  
紙閣微聞白傅吟晝讀書多宵夢古幼交朋密老談深  
結鄰笑我空畱約未遂雲山一片心

苦雨

去年夏大水積澇民怨咨田廬淹澤國老弱困轉移竭  
蹶以勸分訖未平瘡痍今春江水至瀾瀾盈川陂及茲  
又恆雨陰蕕開無時我讀洪範傳事乖天象垂慙愧守  
此土寬懈職不治惠不逮黎庶罰不威匪彝豪彊鉏未  
盡寇盜潛蔓滋積愆致沴戾悔禍曷可追哀哀彼婦孺  
嗷嗷常苦飢屋破難庇雨衣敗不掩肌憔悴命向盡重  
傷如何支涕泗告天地瘞官實有之願叢一身責母苦  
窮黎爲

病疔

瘡鬼于予舊有情此來況味宛尋盟十年早已齊生死  
先慈棄養一病差能免送迎藤榻未容貪滑易紙窗圍  
十年矣  
得不分明養痾要覓安心法多事庸醫理藥鐙

江上山

大江來滔滔中流突撐柱金焦洵奇特亭亭雙玉柱三

山胡然名北固以爲侶峰巒亦若秀乃枕潤州股其勢  
欲鼎立吾意終未許眾山皆無名江頭莽相聚譬如名  
賢出低頭附門戶部婁少靈氣咄汝石戴土蒜山又何  
奇稱名亦千古

乘涼

翻空蝙蝠暗衝門自在流螢度竹根月滿庭階風滿樹  
屋無燈火座無言本來心定空塵想況值宵深遠俗喧  
比似黑甜高枕臥孰爲得失渺難論

蓮溪吟藁

卷三

十四

蓮溪吟藁卷三終



蓮溪吟藁卷四目錄

量移江甯畱別鎮江父老

大水

報恩寺振局

雞鳴寺振局

古林寺振局

海客談所見

同年黃樹齋少寇

爵滋

過飲郡齋賦詩見貽卽和

原韻

蓮溪吟藁

卷四目錄

秋江晚眺

貓

杖

綺石二首

古物

三日雨

庚戌

維揚道中

晚舟

不寐

金瀛仙司馬

安瀾

招飲寓齋出近詩見示賦贈

感舊四首

張霽山師

陳鹿萃師

汪瑟庵師

王伯申師

送朱朵山給諫

昌頤

入都

送張翼如太守

道進

歸里

讀少寇戴金溪先生

敦元

遺藁

蓮溪吟藁

卷四目錄

二

憶梅里諸亡友

哭衍石先生

宿遷道中

畫牛

菊

曉行

豆花

鸚鵡

謝太傅



陶淵明

黃河

讀李太白集

示兒詩

寒鴉

寓普應寺

宿遷道中

荒原

雜詩三首

蓮溪吟稿 卷四目錄

三

題畫二首

嗟世之人

秋望

秋日山行

十二月十九日同人集黃樓祭蘇文忠公

憶鎮江

署南有廢圃命園丁剷除蕪穢爲明春種花竹之

計

蓮溪吟藁卷四

秀水 沈濂 景周

量移江甯畱別鎮江父老

移官不遠境仍連話別江干也惘然三月風花京口酒  
六朝煙柳秣陵船已清海警家安業但苦時荒水沒田  
努力勸分諸父老急頒仁粟濟災年

大水

江甯城中  
水高屋檐

誰謂來城市江湖渺若斯長街連艇入深巷小舟移鳥  
以覆巢噪蟬因難飽嘶徒揮兩行淚未足慰窮黎

蓮溪吟藁 卷四

一

報恩寺振局

原無禮塔意恰到梵王宮采色輝金碧孤高偈昊穹德  
慙聊佞佛財阜恣興工不敢陵虛望愁看中澤鴻

雞鳴寺振局

前代勳臣蹟久沈尙餘十廟氣陰森莫將滿眼瘡痍淚  
認作淒涼弔古心

古林寺振局

言適古林寺道由城南隅古林地僻遠冒暑爲馳驅念  
彼地閒隙災民實聚居發粟振困乏往視敢後歟入門



瞻古佛古貌厖髭鬚斯民轉溝瀆佛手其援諸寺後竹  
柏茂白鷺千百俱年年于此集春夏長其雛問鷺汝何  
食莫食河中魚河魚腹垂腴半饜溝中軀

海客談所見

腥風吹老鬢毛斑身在魚龍隊裏還鯨目閃紅宵轉晝  
蟹螯擎翠浪浮山鬼攀船側驚搖手鳥集帆高喜動顏  
萬里海天纔一瞥渺乎小矣此塵寰

同年黃樹齋少寇

爵滋

過飲郡齋賦詩見貽卽和

原韻

蓮溪吟藁

卷四

二

扁舟風定來吳會匹馬天寒過孝陵談讌又陪文字飲  
勳名還驗嬾殘僧久尊江夏無雙譽曾侍雲樓最上層  
先生官刑部時  
濂會爲屬吏攬轡躊躇今再起匡時何止海氛澄

秋江晚眺

一片平沙暮色昏秋空雲氣澹無痕破帆葉葉長千里  
落木蕭蕭白下村江水深涵千古淚月光冷浸六朝魂  
把茅何日磯頭縛便看青山到子孫

貓

目光一線爍座隅伏梁閭檻高可踰擬爲小步發必獲

貓之爪牙虎不如主人愛貓三摩挲飼貓有飯復有魚  
貓得一飽他無需花磚睡穩紅氍毹牡丹花春風噓薄  
荷簋香滿廚仲能跳梁翻槃孟

杖

國誰與立朝有相老誰與扶手有杖琅玕三尺碧森森  
渡澗穿雲隨所向此杖不拄洗頭盆不隨壺公入市門  
亦不學爲蛟龍逞變化但侍几席如兒孫少年疾走常  
如志老去艱難怕顛躓天陰雨黑路迢迢杖不我扶我  
誰恃

蓮溪吟臺 卷四

三

綺石二首

姜紹書韻石齋筆談  
所云靈巖子石是也

直將燕石抵琳琅如栗如拳出綺囊太古性情畱混沌  
空山寂寞有文章曉看雲氣浮盞盎夜夢明星落草堂  
薄宦江干長物少要憑磊磊壓歸囊

舊隨東海列仙班海上仙人刻珮環織女支機遙訪得  
高琳浮磬近攜還虛窗不定陰晴色曲几如羅大小山  
等是兒孫誰作丈漫勞米老拜庭閒

古物

或耽古物癖無比三代以來已然矣天球河圖陳周書



紀甌玉鼎載左氏來今往古俯仰深蒼茫獨立區區心  
古人可慕不可見得見遺物勤追尋摩挲終日如好女  
藏弄什襲輕籛金惜哉可有不常有淒涼過眼他人手  
狐狸古冢風雨薶蛟鱷空潭光怪走千年萬年忽一逢  
土花碧蘚痕重重明誠金石錄幾卷歐陽集古書幾通  
圖存形象分體面陰陽款識搜羅徧昔賢好尙越凡俗  
但說遺風有餘羨華堂不惜金萬斤到手豈辨僞與眞  
狗枷收作籠中物雁鼎畱爲席上珍富人噉名聞見薄  
每寶康瓠遭暴謔名流鑒別高自矜亦恐冥搜徒炫博  
嗚呼帝鴻之硯何渺茫孔子之履今則亡人生何者足  
傳後豈與一物論短長

三日雨

庚戌

蓮溪吟藁

卷四

四

閉門三日雨積水侵堂階羣蛙大得意喧嘩處處皆案  
頭書數卷徽汚不可揩牀牀無乾處猶謂此郡齋念彼  
茅屋下支牀恃積柴懸釜以爲炊溼煙煨豆稽金陵古  
帝都五城十二街如何水入城沈竈吁可哀大江來湯  
湯奔流去不回沙洲及蘆田小利禍所胎旣與水爭地  
泛溢因成災利小害則大欲救空徘徊安得決排力禹

功真巍哉

維揚道中

柔櫓伊鴉急上灘收身差覺小舟寬江頭纖月俯思拾  
林表晚霞明可餐扇欲辭勞秋未到枕雖高臥夢難安  
麤官五載垂垂老神武何人早挂冠

晚舟

紅藕花多倚碧煙孤燈涼夜撇頭船青山送客程程好  
明月隨人處處圓水面竄魚時撥刺沙頭拳鷺自佳眠  
徒勞露坐尋詩料清景難摹莫浪傳

蓮溪吟藁

卷四

五

不寐

殘月窗櫺夜向晨炯懸雙目夢無因蚊喧帳外思緣隙  
鼠走牀頭不避人百慮紛紛防未雨十分怛悵憶前塵  
明朝青鏡看憔悴可悟浮生未是真

金瀛仙司馬

安瀾

招飲寓齋出近詩見示賦贈

長安酒人今餘幾一笑相逢我與爾往時豪興顛若雷  
近日幽懷澹于水自攜詩卷闔復開一字未唱先低徊  
某篇某句謂某事一一告語人無猜施宋朱王扶大雅  
君才豈出羣公下世途險易百不知獨老肝腸自杼寫



嗟余落拓霜鬢白  
違燕臺五載餘  
長菱捆載學行水  
炳燭餘光難讀書  
愛君新詩特清發  
欲和坐愁才思竭  
不如飲君三百杯  
相對忘言醉兀兀

### 感舊四首

張霽山師

諱友柏宛平縣人  
會官秀水縣知縣

同是師恩早受恩  
髫齡橐筆試公門  
艱難作賦逾三鼓  
鄭重憐才感一言  
灑年十四應童子試作春水船如天  
上坐賦中一聯云樓臺多少乃知只  
在人間煙水蒼茫忽訝已登天  
投粲高齋畱講藝  
贈袍上公極激賞時已漏下三鼓  
冬日得奇溫傷心陸氏莊荒久四十年來贖淚痕

蓮溪吟藁

卷四

六

陳鹿萃師

諱孝恭同邑乾隆乙卯  
孝廉官國子監學正

閉戶潛修用力專  
先生經學本家傳  
暫違色養兼旬切  
竟輟公車中道旋  
公丙辰計偕北上因  
思親至袁浦而返  
憶共諸郎隨講  
席並招弱弟與賓筵  
濂戊辰歲受業門下弟  
洛辛未歲亦游公門  
清燈深夜  
論文樂曾坐春風十五年

汪瑟庵師

諱廷珍山陽縣人官禮部  
尚書協辦大學士諡文端

與俗難諧稟賦奇  
公小印鐫淵明  
賦氣寡所諧句  
乾坤正氣賴維持  
恨

無箸作貽來學實有經綸贊

帝堯猶憶少年蒙  
特賞當時宗伯歷  
羣兒相期直作千

秋想尺素重尋淚暗滋濂戍寅鄉試不第公寄書云科名得失不足爲介介僕所期於千古者不在是也年衰學落百無一成追感師言愧負無既

王伯申師諱引之高郵州人官禮部尚書諡文簡

爲許論文共一罇三年授粲紀師恩濂在公宅與公第四郎壽同講藝前後共

三年祖孫及第聲華重文肅公與公祖孫鼎甲父子傳經術業尊

懷祖先生著讀書雜識公著經義述聞時皆未蕞事閉戶著書隨几杖自公退食

樂晨昏長安往事成追憶淮上新來識舊門今秋過高郵至公舊宅

送朱朵山給諫昌頤入都

蓮溪吟藁卷四

七

仕已亦何定一官如置碁烏臺會抗疏鰲背況清資起用

天恩厚經綸宿負奇及時襄碩畫未厭出山遲

送張翼如太守道進歸里

去官如去累求退甚求榮聽鼓未終歲歸雲多遠情同

班會

帝里曾同官刑部別思忽彭城定寄書稠疊江頭有雁聲

讀少寇戴金溪先生敦元遺藁

海內藏書無盡藏便便腹笥抵書倉僅餘詩卷畱千古



親見先生目十行積案紛紜牀左右揮毫點注墨淋浪  
每于未飯趨公急置袖時聞餅餌香

憶梅里諸亡友

國初梅里羣才駢竹垞老人相後先高文碩學邈難攀

遺韻流風二百年李侯短小腹便便

杏村孝廉貽德

背誦經史

口流涎箸書盈尺藏名山長安困頓終青氈余視其含

涕泗漣二張英英珠玉聯

蓮舟茂才昌齡堯民孝廉昌衢

文壇奪蠹馳

囊鍵次公經術尤貫穿排比聲律清且妍甫獲一第歸

窮泉馮君穎敏登木天

柳東太史登府

出宰劇縣退不前廣文

蓮溪吟藁

卷四

八

先生苜蓿筵矜奇炫博橐自編惜未借讀窺其全周史

術業皆精專

桐北茂才鳴盛竹南茂才大勳

閉門造車願力堅早年玉

折吁可憐美哉諸子同里塵數椽老屋東西連一編相

對塗丹鉛伊吾燈火夜不眠我昔年少與周旋每嘆造

物生才偏羣雅所聚非偶然奈何遭遇同迤邐薪雖有

盡火則傳千鈞一髮引綿綿吁嗟後起今誰賢

哭衍石先生

諫垣屢疏動

楓宸晚擁臯比未厭貧著作他年真不朽文章並世有

何人汴城別後音書密素旄南來涕淚新屈指鄉園者  
舊盡欲聞緒論更無因

宿遷道中

牆土檐茅小市成人家寥落大河橫歸鴉點樹濃于墨  
旅雁排雲密似箏斜日長隄催驛騎西風落葉送行旌  
晚來兩盞荒村酒夢醒晨雞喔喔鳴

畫牛

泥滑春田犁雨新孰爲點筆細傳神豐毛偉幹龐然立  
不識橫經挂角人

菊

蓮溪吟藁

卷四

九

闌干曲畝畫簾斜品字堆成爛若霞何苦抱香香富室  
有人把酒詈黃花

曉行

郎當鈴馱早風涼曙色微茫月澹黃兒女滿城春夢裏  
寒雞空唱五更霜

豆花

數朵秋花耐夜涼田家籬落月昏黃一生不作雕闌想  
蟋蟀西風自在香



鸚鵡

喚酒呼茶字字嬌  
畫廊長日鎮無聊  
夜來自做秦川夢  
誰戀金籠小袖調

謝太傅

桓伊撫箏歌怨詩  
爲臣不易淚暗滋  
中年哀樂感無時  
無怪東山女妓攜  
東南半壁不易支  
正朔相承無改移  
捷書置案如不知  
與客且終局上碁  
矯情鎮俗客勿嗤  
君不見倒持手版  
王坦之

陶淵明

蓮溪吟藁

卷四

十

五斗折腰非所期  
五柳先生歸已遲  
吾廬吾愛人不知  
義熙甲子難編詩  
黃花秀冶開東籬  
白衣送酒醉一巵  
葛天無懷澹自持  
山經穆傳偶賞奇  
羣輔之錄吾猶疑  
黃河

莽莽羣山折不回  
排空濁浪轉春雷  
崑崙崑嶺透迤入  
竹箭桃花次第催  
在昔隄防從漢始  
幾經遷徙尙南來  
誰疏海口雲梯路  
便抵神功禹力開

讀李太白集

自是蓬萊紫府文  
世間誰與謫仙羣  
詩心萬古懸明月

酒氣中天化彩雲謝眺驚人前有幾杜陵並駕後無聞  
玉簫金管袍宮錦采石磯頭一夢君

示兒詩

吾宗發源由慈溪四方來學師橋師師橋萬家枝葉茂

逮明末年寇盜滋海氛甚惡掇禍奇倉卒一椽梅里移

六世祖陣師公爲海寇所掠艱難得歸始遷禾中

流離顛躓有正業燈火書聲

常喔伊科名秋賦迭代起

陣師公梅村公兩世孝廉

後來甲第升

丹墀饒州太守挽符綬

高祖範亭公官饒州太守

慈惠循良畱口碑

誦芬食舊又三世清修儒雅勤下帷雖然潛德未光耀

蓮溪吟囊

卷四

十一

經師人師爲世儀藏書丹黃累世積舊硯摩挲祖澤貽  
嗟余兄弟早孤露傳經辛苦母氏慈遭逢通籍仕中外  
欲報罔極傷無時汝曹少小得溫飽稼穡艱難宜早知  
講求經史通事理敦尙孝友培根基馬援家書有明訓  
康成戒子皆良規立身行己遠榮利無取韓子城南詩

寒鴉

寒鴉先客起擾擾五更頭名利何關汝飛鳴各有謀濃  
霜迷遠樹殘月帶高樓我亦披衣坐勞生集百憂

寓普應寺



客舍無多地僧房似小舸暫偷官事暇差免俗塵遭破  
曉鐘魚急連朝梵唄高禪宗清淨理還比世人勞

宿遷道中

寒鴉牛背立了不避村童渺渺一溪水蕭蕭萬木風小  
橋通野店薄酒醉衰翁勿與外人道逍遙樂此中

荒原

荒原極目望古墓與寒林野水遠無際人家何處尋長  
途疲客馬夕照帶歸禽風物蕭慘甚旅懷惟苦吟

雜詩三首

蓮溪吟藁

卷四

七

寒風薄林表墜葉紛如雨及茲搖落辰感懷鬱誰語驅  
車古冢閒列冢亂無數謂皆悠悠者賢達在何許

低首風塵裏常與世俗親擾擾以終日鼎鼎百年身少  
壯能幾時面鬣鬢如銀大化諒不遠日月催雙輪何如  
埽一室靜以養吾真澄心究物理抗懷希古人卽此俄  
頃時悠然葛天民

汲黯日益戇讜言不避死同時萬石君恭謹以承旨于  
史皆有傳于傳各稱美用此示後來何者爲正軌剗斷  
恃于將立朝崇志士可以寸寸折不可柔繞指直言易

撥禍庶幾裨國是容容受厚福亦難保終始

題畫二首

寒風肩擔颭鈴屐詰曲崎嶇路慣經踏徧千峰萬峰雪  
歸來濁酒暖陶瓶

板橋南畔老漁師又看楊花滿地時三五彭皮春水活  
東風吹軟釣竿絲

嗟世之人

嗟世之人哆兮利口猥薄少年而虐白叟修忽睚眦失  
意杯酒禍機猝發莫得措手甯爲害狗毋爲善狗害狗  
唯唯有柳難嗾善狗多畏縮尾而走

蓮溪吟稿

卷四

十三

秋望

秋氣顥無極蕭蕭感白頭提壺沽美酒與客上高樓斜  
日孤洲冷長煙遠樹稠憑闌吟望苦祇益少陵愁

秋日山行

落葉多于地空林夕照斜低雲衝過鳥絕壁竄驚麕坐  
石久忘倦掬泉清嗽牙古無人跡到惟見木槎枒

十二月十九日同人集黃樓祭蘇文忠公

重陽登城鋪柄千雨飛泥滑鞞鞞濺七百年前已若此



隄防辛苦嗟公賢與民同憂亦同樂  
月夜歌嘯臨風前  
朱闌雕甍羽衣立自言此樂追謫仙  
惜哉李委善吹笛  
不在黃樓在赤壁  
青巾紫裘來堂堂  
裂石穿雲聲激激  
東坡生日今又逢  
城樓高處登重重  
念公鯁直動輒忤  
何必磨蝎由命宮  
棗花一枝泉一盞  
如公湖上祠  
逋翁翻新曲  
調少江鶴大好山  
色仍雲龍  
雲龍山人昔過從  
紅妝細馬滿谷中  
臺西書壁訪陋巷  
城南會獵呼長風  
登臨游賞去一瞥  
祇有文字畱無窮  
豈惟文字千秋宗  
道旁石人親送公  
紛紛鞭鞞遭割截

蘇句

至今遺愛感老

蓮溪吟藁

卷四

十四

僮我來彭城職行水何事讓公政  
專美愛公及弟像設  
聯樓頭展拜同仰止  
逍遙堂上惜別時  
未料遺容亦畱  
此海南拄杖壽卯君  
何如並列桐鄉祀  
他時更錄太虛  
賦寫向壁閒公益喜

黃樓塑子瞻遺像以子由配  
之秦太虛有黃樓賦見坡詩

憶鎮江

喜無樓艦戰龍潭  
往事何勞客縱談  
野館聽鷗黃泛酒  
空齋拜石翠浮嵐  
人懷吳晉南朝六

王伯厚小學紺珠  
六代吳晉宋齊梁

陳

山有金焦北固三五載相依  
諸父老若言舊政我餘

慙

署南有廢圃命園丁剷除蕪穢爲明春種花竹之  
計

平生好種植惟患隙地少荒圃近咫尺剷除罅斯趙衰  
草薙重重平畦開杳杳預想東風來經營頗不小齊簷  
蒔花樹周牆種竹篠晴日藥闌趁細浪蓮池颺豆架高  
欲聯瓜田低可繞董之以一丁灌畦健且矯居官易敗  
意河孺走擾擾豈無休暇時于中恣游眺多好每無成  
此願或易了場空一物無逸情已雲表

蓮溪吟藁

卷四

十五

蓮溪吟藁卷四終

05217



